

B A S E S PARA A CONTRATACIÓN DE 2 XEFES PARA AS BRIGADAS MUNICIPAIS 2016

1.- OBXECTO DA CONVOCATORIA.- Ten por obxecto a presente convocatoria contratar a **dous xefes de brigadas** obxecto do Convenio de colaboración suscrito entre a Consellería de Medio Rural e o Concello da Estrada para a participación na prevención e defensa contra incendios forestais mediante a actuación de brigadas de prevención e defensa

2.- CONDICIÓNS.- Duración do contrato: Tres meses

O horario laboral será xornada completa.

Percibirán a cantidade mensual bruta de 1.280,00 euros, por tódolos conceptos incluídas a parte correspondente das pagas extraordinarias.

3.- CONDICIÓNS DOS ASPIRANTES.- Para poder formar parte na presente convocatoria, os aspirantes deberán estar en posesión, antes do remate do prazo de presentación de instancias, dos seguintes requisitos:

a) Ter a nacionalidade española ou algunha outra que, conforme o disposto no artigo 52 da Lei 2/2015, do 29 de abril, do emprego público de Galicia, permita o acceso ao emprego público. Poden acceder ao emprego público como persoal funcionario en igualdade de condicións coas persoas de nacionalidade española:

— As persoas que posúan a nacionalidade doutros estados membros da Unión Europea.

— As persoas, calquera que sexa a súa nacionalidade, que sexan cónxuxes de persoas que posúan a nacionalidade española ou doutros estados membros da Unión Europea, sempre que non estean separadas de dereito.

— As persoas, calquera que sexa a súa nacionalidade, descendentes de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores da devandita idade dependentes.

— As persoas, calquera que sexa a súa nacionalidade, descendentes do cónxuxe non separado de dereito de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores da devandita idade dependentes.

— As persoas incluídas no ámbito de aplicación dos tratados internacionais subscritos pola Unión Europea e ratificados por España nos cales sexa aplicable a libre circulación de traballadores.

b) Ter cumpridos os 18 anos da idade, e non superar a idade máxima de xubilación.

c) Estar en posesión do título de Enxeñeiro de Montes, Enxeñeiro Técnico Forestal, técnico superior en xestión e organización de recursos naturais e paisaxísticos, técnico en traballos forestais e conservación do medio natural ou formación profesional equivalente, ou en condicións de obtelo na data de finalización do prazo de admisión de instancias.

d) Non padecer enfermidade nin estar afectado por limitación física ou psíquica que sexa incompatible co desempeño das correspondentes funcións.

e) Non ter sido separado do servizo de ningunha Administración Pública en virtude de expediente disciplinario nin atoparse inhabilitado, por sentenza firme, para o exercicio de funcións públicas.

f) Estar en posesión do permiso de conducir tipo B.

4.- PRESENTACIÓN DE SOLICITUDES.- As instancias dirixiranse ó Ilmo Sr. Alcalde-Presidente deste Concello, e serán presentadas no prazo de cinco días, contados a partires do día seguinte da publicación do correspondente anuncio en dous diarios de gran

difusión e na web municipal. A presentación de solicitudes poderá facerse ben no Rexistro Xeral do Concello de A Estrada ou ben en calquera das formas establecidas no artigo 38.4 da Lei 30/1992, do Réxime Xurídico das Administracións Públicas e do Procedemento Administrativo Común; as solicitudes que se presenten a través da Oficina de Correos deberán entregarse nun sobre aberto para ser selada e datada polo funcionario de correos antes de ser certificada. Neste caso resulta aconsellable que os aspirantes comuniquen mediante fax ou correo electrónico durante o mesmo prazo que o de presentación de instancias. Actuarase de igual xeito, no caso de ser presentada a solicitude noutra Administración Pública.

Para seren admitidos a tomar parte na convocatoria, os aspirantes manifestarán na instancia que reúnen todas e cada unha das condicións sinaladas no nº 3 destas Bases.

Con ela acompañarase compulsadas:

- a) Fotocopia do D.N.I.
- b) Fotocopia do carné de conducir tipo B
- c) Fotocopia do título requirido.
- d) Xustificante de coñecemento de lingua galega (Celga 3 ou equivalente), de posuilo.
- e) Xustificante do pagamento das taxas de inscrición (a cantidade a aboar serán 20,00 euros os cales serán pagados na Tesourería Municipal ou a través do seguinte número de conta bancario: BBVA: ES17 0182 6246 3202 0036 0191) ; no xustificante de ingreso terá que figurar o DNI do candidato á praza.

Segundo a ordenanza fiscal nº 6, reguladora da taxa por expedición de documentos administrativos, nos procedementos de selección de persoal, non será esixible o pagamento polos conceptos “Dereitos de exame” e “Compulsas” ás persoas desempregadas que figuren como demandantes de emprego, sempre que así o acrediten por medio de certificación emitida polo Instituto Nacional de Empleo ou servizo homólogo da Comunidade Autónoma.

5.- TRIBUNAL CUALIFICADOR.

Estará constituído polos seguintes membros:

Presidente:

Titular: D. Ramón Brea Villaverde (Enxeñeiro Técnico Agrícola do Excmo. Concello da Estrada)

Suplente: Dna. Julio Fontaiña Couso (Tesoureiro do Excmo. Concello da Estrada)

Secretario:

Titular: Dna. María Jesús Fernández Bascuas (Administrativo de Administración Xeral do Excmo. Concello da Estrada)

Suplente: Dna. Mónica Castro Pérez (Xefa do Servizo de Formación da AGASP)

Vogais:

Titular: Javier Comesaña Pereira (Director do Conservatorio do Excmo. Concello da Estrada)

Suplente: Dna. Mónica Neira Mato (Arquitecta da Xunta de Galicia).

Titular: D. Luis Lozano Lorenzo, Técnico de Administración Xeral do Excmo. Concello da Estrada

Suplente: Dna. Rita Rivas de la Iglesia (Economista do Excmo. Concello da Estrada)

Titular: Dna. Maria Herminia Porto Valcárcel (Administrativo do Excmo. Concello da Estrada)

Suplente: D. Ramiro Goldar Soto (Arquitecto Técnico do Excmo. Concello da Estrada)

Unha vez rematado o prazo de presentación de solicitudes publicárase a relación de admitidos e excluídos ás probas, así como a data e lugar de celebración do exercizo obrigatorio.

Os aspirantes excluídos disporán do prazo de 2 días para presentar as alegacións/documentación que consideren oportuna, e subsanar, de ser o caso, o erro que dou lugar á exclusión.

6.- EXERCIZOS OBRIGATORIOS.- Os interesados presentaranse no lugar, día e hora, fixados no intre da publicación da relación de admitidos e excluídos, ós efectos de levar a cabo as probas que a continuación se describen:

1.- Proba teórica: Consistirá na resolución dun exame tipo test, de 40 preguntas con respostas alternativas, sobre o temario que figura no Anexo.

A proba cualificarase de 0 a 10 puntos, sendo necesario 5 puntos para aprobar.

PROBA DE GALEGO

Os/as aspirantes que non demostren o coñecemento da lingua galega a través do correspondente certificado (Celga 3 ou equivalente) terán que realizar obrigatoriamente unha proba específica que demostre tal coñecemento.

Quedarán exentos/as, así mesmo, de realizar a proba específica os/as aspirantes que opten por realizar o exercicio obrigatorio na lingua galega. Os/as restantes opositores/as terán que realizar unha tradución do castelán ao galego, nun tempo máximo de 10 minutos. Serán cualificados como aptos/as os/as aspirantes que realicen a tradución completa no tempo indicado. No caso de non realizar a tradución completa serán considerados non aptos.

7.- PUBLICACIÓN DE RESULTADOS E PUBLICACIÓN.- Rematados os exercicios obrigatorios, o Tribunal publicará a relación de aprobados por orde de puntuación. As persoas que consigan maior puntuación será propostas ó Presidente da Corporación para que faga o nomeamento e se formalice o contrato. Non se poderá propoñer a máis persoas das prazas convocadas. En caso de empate, valorárase ter experiencia nas tarefas de extinción de incendios forestais.

8.- FORMALIZACIÓN DO CONTRATO.- Os candidatos propostos para a contratación someteráanse con carácter previo, á realización das probas físicas de esforzo (banco) e un recoñecemento médico, sendo necesario obter a condición de APTO. A formalización do contrato terá lugar en canto os interesados presenten a documentación pertinente.

ANEXO TEMARIO

1.- A Constitución española de 1978. Estructura e principios xerais.

2.- Os dereitos fundamentais na Constitución española.

3.- O Tribunal Constitucional. A Reforma da Constitución.

4.- A organización do Estado na Constitución: organización institucional ou política e organización territorial. A Coroa. As Cortes Xerais: referencia ao Defensor del Pueblo. O Poder Xudicial.

5.- O Goberno e a Administración. Principios de actuación da Administración Pública. A Administración Xeral do Estado.

6.- As Comunidades Autónomas. Estatutos de Autonomía.

7.- A Administración Local.

8.- O Réxime Local español: principios constitucionais e regulación xurídica. Relacións entre Entes Territoriais. A Autonomía Local.

9.- O Municipio: concepto e elementos. O termo municipal.

10.- A poboación: Competencias municipais.

11.- A provincia: Organización provincial. Competencias.

12.- Outras Entidades Locais. Mancomunidades. Comarcas e outras Entidades que agrupen varios Municipios. As Áreas Metropolitanas.

13.- As Entidades de ámbito territorial inferior ao municipal.

14.- A potestade regulamentaria na esfera local; Ordenanzas, Regulamentos e Bandos; procedemento de elaboración e aprobación.

15.- Especialidades do procedemento administrativo local. O Rexistro de Entrada e Saída de documentos.

16.- Lei 15/2010, do 28 de decembro, de medidas fiscais e administrativas. (o artigo 14 modifica o artigo 29 e a disposición derogatoria única, deroga o art. 30 e o punto 21 do artigo 2 da Lei 3/2007, do 9 de abril, de prevención e defensa contra os incendios forestais de da lei 3/2007)

17.- Lei 3/2007, do 9 de abril, de prevención e defensa contra os incendios forestais de Galicia

18.- Orde do 13 de marzo de 2009 sobre aprobación dos plans de prevención e defensa contra os incendios forestais de distrito

19.- Orde do 31 de xullo de 2007 pola que se establecen os criterios para a xestión da biomasa vexetal

20.- Orde do 18 de abril do 2007 pola que se zonifica o territorio con base no risco espacial de incendio forestal

21.- A defensa contra incendios forestais en Galicia. Os distritos forestais. A rede de radio. Os sistemas de comunicacións. A transmisión de datos dun lume.

22.- Lume forestal e o seu comportamento. O ataque directo e indirecto. Os tendidos de manguera. Coordinación do binomio cuadrilla-vehículo autobomba. A dirección de extinción.

23.- A toma de auga. O emprego de aditivos: tipos e utilización.

24.- A seguridade persoal e a prevención de accidentes.

25 .- O marco legal da prevención de riscos laborais. Os riscos laborais nos traballos agrarios. As medidas preventivas e elementos de protección

26.-Prevención. Accións sobre o territorio: control selectivo do combustible. Infraestructuras defensivas. Accións sobre a poboación. Plan territorial de defensa contra incendios forestais.

27.-Sistemas de detección e comunicación. Extinción de incendios forestais: técnicas de extinción, primeiro ataque e ataque ampliado, o contralume. Retardantes. Medios, vehículos, maquinaria e aeronaves na extinción de incendios. A coordinación de medios aéreos. Seguridade e prevención de riscos.

28.- O lume O lume como factor ecolóxico. O incendio forestal. Factores que interveñen no seu comportamento. Variables que o caracterizan. Causas. Valoración de perdas ambientais e económicas

29.-Aplicacións forestais da topografía e cartografía. Sistemas tradicionais de medición e replanteo. Sistemas de posicionamento global: fundamento, operación, análise do erro e aplicacións. Sistemas de información xeográfica: bases teóricas, principais aplicacións e sistemas máis utilizados.

30.-Os incendios forestais. As súas clases, causas e factores que inflúen na súa propagación. Prevención e defensa contra os incendios forestais de Galicia. Os servizos de prevención e defensa contra os incendios forestais da Xunta de Galicia. O Pladiga.

31.- Os incendios forestais. Normativa estatal e autonómica. Os servizos de Defensa contra Incendios Forestais da Xunta de Galicia. O Plan Infoga.

32.-Competencias da Comunidade Autónoma de Galicia en materia forestal e de conservación da natureza. O Ministerio de Medio Ambiente. A Consellería do Medio Rural, a súa estrutura orgánica e funcional. A Consellería de Medio Ambiente e Desenvolvemento Sostible, a súa estrutura orgánica e funcional.

A ESTRADA, 8 de xullo de 2016
O ALCALDE